






Guovdageainnu suohkana ealáhusfoandda njuolggadusat

Dohkkehuvvon suohkanstivrras 19.06.2025, áššis 32/25



§ 1 Ulbmil

Dáid njuolggadusaid ulbmil lea láhčit dilálašvuodaid mánggabealat, nanu ja ceavzilis ealáhuseallimii Guovdageainnus. Ruđat galget váikkuhit báikkálaš árvoháhkamii, eanet barggolašvuhtii, ođđahutkamii ja innovašuvdnii, suohkanplána servodatoasi ja ON ceavzilvuodamihtuid vuodul.

§ 2 Ulbmiljoavkkut

Doarjaga sáhttet ohcat:

- Ásahuvvon fitnodagat mat leat registrerejuvvon Guovdageainnu suohkanis
- Álggaheaddjit ja olbmot geat plánejit álggahit doaimmaid suohkanis
- Organisašuvnnat ja aktevrrat mat láhčtet dili ealáhusovdáneapmái

§ 3 Doarjjavuogit

Doarjaga sáhtta addit:

- Ásaheapmái ja álggaheapmái
- Ovdaprošeavttaide ja márkančielggadeapmái
- Investeremiidda innovašuvnna ja ovdánanprošeavttaid váste
- Gealboloktemii ja fitnodatfierpmádagaide

Doarjja addo doarjjan EEO-njuolggadusaid mielde, ja ii galgga billistit gilvvu márkanis.

Dohkkehuvvon olggobeale goluide sáhtta juolluduvvot gitta 50% doarjja. Iežas bargui sáhtta juolluduvvot gitta 10% doarjja prošeavtta ollislaš goluin, realisttalaš diibmohatti ja dokumentašuvnna vuodul. Alimus doarjjasubmi juohke prošeaktii lea dábálaččat ru 150 000,-, muhto earenoamáš oktavuodain sáhtta dahkkot spiehkasteapmi manjil konkrehta árvvoštallama foandastivrras.

§ 4 Juolludaneavttut

Čuovvovaš eavttut biddjojit vuodđun ohcamiid árvvoštallamii:

- Váikkuhus báikkálaš árvoháhkamii ja barggolašvuhtii
- Prošeavtta kvalitehta, realisma ja čađahanplána
- Biras- ja servodatváikkuhusat
- Relevánsa suohkana ángiruššansurggiide
- Ovttasruhtadeapmi ja iežas árjabidjan

§ 5 Ohcanproseassa

Ohcamiid sádde digitálalaččat áiggis áigái gustojeaddji ohcanportála bokte, ja dain galget leat:

- Prošeaktačilgehus ja bušeahtta
- Áigeplána
- Ruhtadanplána
- Iešdieđihanskovvi stáhtadoarjagii

Ohcamat meannuduvvojit dađistaga. Suohkan galgá unnimusat guovtte geardde jagis addit dieđuid ortnega birra suohkana neahttasiidduin.

§ 6 Máksin ja raportereren

Doarjja máksojuvvo dábálaččat mannil go doaibmabidju lea čađahuvvon ja golut duođaštuvvon. Dárbbu mielde sáhtá addot gitta 50% ovdamáksu. Buot doarjagiidda gáibiduvvo loahpparaporta oktan rehketdoaluin.

Jos doarjjaoažžu addá boasttudieđuid dahje doarjja ii adno mearriduvvon juolludaneavttuid mielde, de galgá doarjja mii lea mákson juolludeami oktavuodas, máksot ollásit dahje muhtun muddui ruovttoluotta, jus doarjjaoažžu ii leat ohcan ja ožžon dohkkehuvvon rievdadit proševtta.

Proševttat galget čađahuvvot 12 mánu siste dan rájes go doarjjamearrádus lea dahkkon. Dat lea vejolaš ohcat manjdit áigemeari oktii, eanemusat 12 mánnui. Doarjja manahuvvo jus proševtta ii leat čađahuvvon áigemeari rádjái..

§ 7 Hálddašeapmi ja fápmudusat

Foandastivra lea tehnikkalaš, biras- ja ealáhusáššiid váldolávdegoddi.

Sátnejodiheaddjis lea fápmudus earenoamáš dilálašvuodain juolludit doarjagiid gitta ru 100 000,- rádjái.

Hálddahus čuovvola raporterema ja dárkkisteamii. Suohkanstivrii ovddiduvvo jahkásaččat raporta ealáhusfoandda ruhtageavaheamis.

§ 8 Váidinvejolašvuohta

Ohcama hilgumis sáhtá váidit ovdagoddái hálddahuslága mearrádusaid olis.

§ 9 Almmolaš doarjja ja EEO-njuolggadusat

Buot juolludeamit galget čuovvut EEO-njuolggadusaid almmolaš doarjaga birra. Suohkan galgá duođaštit ahte njuolggadusat mat gusket unnitdoarjagii dahje joavkospiehkastussii, leat čuvvojuvvon. Iešdieđáhus galgá álo biddjot mielddusin.

§ 10 Ráddjejumi

Doarjja ii juolluduvvo dábálaččat:

- Dábálaš doibmii dahje bajásdoallamii
- Ossosiid oastimii dahje iežaskapitalii
- Reanttuide, oassemáksimii ja loana ođđasit ruhtadeapmái
- Proševttaide mat leat juo čađahuvvon
- Investeremiidda almmolaš doaimmain dahje viessohuksemiidda

§ 11 Fápmuiboahhtin ja rievdadeapmi

Suohkanstivra dohkkehan 19.06.2025. Suohkanstivra dohkkeha stuorat rievdadusaid njuolggadusain. Unnit, doaimmahuslaš dahje tehnikkalaš rievdadusaid sáhtá suohkandirektevra mearridit. Njuolggadusat bohtet ovdal mearriduvvon njuolggadusaid sadjai.